



CONSELLERIA DE AGRICULTURA, GANDERIA E MONTES

Xurado Provincial de Montes Veciñais en Man Común

Edificio Administrativo de Servicios Múltiples - Monelos - A CORUÑA - Tfños. 18 59 02 - 18 59 03



Sr. Alcalde Presidente do
Concello
A Picota, s/n
15256-MAZARICOS

Aos efectos oportunos comunícolle a resolución do expediente de calificación nº 330 do monte "Xián, Furiño, Gándara e Reveiratorta", dos citados lugares da parroquia de Arcos, concello de Mazaricos, segundo o acordo deste Xurado na súa reunión de data 20 de xuño de 1997:

"Reunido na data 20 de xuño de 1997 o Xurado Provincial de Montes Veciñais en Man Común da Coruña, baixo a Presidencia do Ilmo. Sr. Delegado da Consellería de Agricultura, Gandería e Montes, D. Rogelio Aramburu Núñez, coa asistencia do Vicepresidente Ilmo. Sr. D. Angel Barrallo Sánchez, Maxistrado da Audiencia Provincial da Coruña, os Vocais, D. Andrés López-Suevos Fernández, Xefe do Servicio de Montes e I.F., D. Alfonso Vázquez-Castro Garma, Letrado do Gabinete Xurídico Territorial da Xunta, D. Juan Ramón Beneyto Bellas, representante do Colexio de Avogados da Coruña, D. José Manuel Caramés Franco, representante das Comunidades Veciñais de Montes en Man Común e do Secretario D. Manuel Puente Araújo, Letrado da citada Delegación, para estudar e resolve-lo

Expediente nº 330
Monte: Xián, Furiño, Gándara e Reveiratorta
Lugar: Xián, Furiño, Gándara e Reveiratorta
Parroquia: Arcos
Concello: Mazaricos

ANTECEDENTES DE FEITO

1º. Diversos veciños dos lugares de Xián, Furiño, Gándara e Reveiratorta, parroquia de Arcos, concello de Mazaricos, solicitaron con data 01/06/1995 deste Xurado, a declaración como veciñal do expresado lugar, do monte arriba citado e que ten as seguintes características:

Superficie: 247 Ha.
Lindeiros:



CONSELLERIA DE AGRICULTURA, GANDERÍA E MONTES

Xurado Provincial de Montes Veciñais en Man Común

Edificio Administrativo de Servicios Múltiples - Monelos - A CORUÑA - Tfnos. 18 59 02 - 18 59 03

Parcela I: Cunha superficie de 167,16 Ha. É parte da parcela I do Pedregal e Ruña, nº 103-H do C.U.P.

NORTE: Do piquete nº 160 do deslindamento ó 166 seguindo a orde de piquetes, e deste ó 1, con propiedades particulares dos lugares de Vilarcovo, Castrelo e Furiño. LESTE: Do piquete nº 1 ó 15 seguindo a orde de piquetes, con propiedades particulares do lugar de Vilarcovo e monte Ruña da parroquia de Colúns. SUR: Do piquete nº 15 ata o 141, seguindo o Rego de Reveiratorra, co resto do monte Pedregal e Ruña. OESTE: Do piquete nº 141 ó 160 seguindo a orde de piquetes, con propiedades particulares dos lugares de Reveiratorra e Furiño.

Parcela II: Superficie 79,84 Ha. Coincide ca parcela II do Pedregal e Ruña, nº 103-H do C.U.P.

NORTE: Do piquete nº 190 do deslindamento ó 203 seguindo a orde de piquetes, con propiedades particulares do lugar de Furiño. LESTE: Do piquete nº 203 ó 207 seguindo a orde de piquetes, deste ó 167, e do 167 ó 170 seguindo a orde de piquetes, con propiedades particulares dos lugares de Furiño e Reveiratorra. SUR: Do piquete nº 170 ó 175 seguindo a orde de piquetes, con propiedades particulares do lugar de Reveiratorra. OESTE: Do piquete nº 175 ó 190 seguindo a orde de piquetes, con propiedades particulares de Enxilde, Gándara e Xián.

20. A vista de tal solicitude, o Xurado, na súa reunión de 26/02/1996, acordou inicia-lo oportuno expediente nomeándose como Instructor do mesmo a D. Ramón Olano Calleja, quen aceptou expresamente dito cargo. Procedéuse á correspondente tramitación, librándose mandamento para a anotación preventiva no Rexistro da Propiedade de Muros, oíndose a tódalas persoas, Organismos e Corporacións interesadas, expedíndose mandamentos a tal fin dirixidos ao Sr. Alcalde Presidente do Concello de Mazaricos, ao Xefe do Servizo de Montes e I.F. e publicándose edictos no D.O.G. (nº 197 de 08/10/1996), taboleiro de anuncios do Concello e lugares de costume.

Debido á xubilación de D. Ramón Olano, o Xurado, na súa reunión de data 09/12/1996 acordou nomear novo instructor do expediente a D. Alfonso Vázquez-Castro Garma, que tamén aceptou o cargo.



CONSELLERIA DE AGRICULTURA, GANDERIA E MONTES

Xurado Provincial de Montes Veciñais en Man Común

Edificio Administrativo de Servicios Múltiples - Monelos - A CORUÑA - Tfños. 18 59 02 - 18 59 03

30. Os veciños de Xián, Furiño, Gándara e Reveiratorta fundamentan a súa petición perante o Xurado Provincial de Montes Veciñais en Man Común na orixe foral de dito monte, e en que desde tempos inmemoriais ven aproveitándose de forma consuetudinaria, en réxime de comunidade e sin asinación de cotas, segundo os usos e costumes, polos veciños dos citados lugares. Presentan copias de antigas escrituras de compraventa e de partición de herdanzas en que aparecen referencias á existencia do monte veciñal.

Tal petición é informada favorablemente polo acordo do Pleno do Concello de Mazaricos de data 12/01/1995.

40. Na tramitación das presentes actuacións cumpríronse as formalidades legais e regulamentarias, esixidas principalmente pola Lei 13/89 de 10 de outubro de Montes Veciñais en Man Común, e o seu Regulamento de aplicación aprobado polo Decreto 260/92 de 4 de setembro, ambos da Comunidade Autónoma de Galicia, Lei de Procedemento Administrativo e demais disposicións aplicables no caso.

FUNDAMENTOS DE DEREITO

10. O Xurado Provincial de Montes Veciñais en Man Común da Coruña ten xurisdicción e competencia para coñecer do presente expediente en virtude do disposto nos arts. 9 e 10 da Lei da Comunidade Autónoma de Galicia 13/89 de 10 de outubro de Montes Veciñais en Man Común.

20. En conformidade co contido do art. 11 da citada Lei e 19 do Regulamento, aprobado polo Decreto 260/92, de 4 de setembro, os veciños de Xián, Furiño, Gándara e Reveiratorta, parroquia de Arcos, concello de Mazaricos, son parte lexítima para solicita-la iniciación do presente expediente.

30. Para a súa calificación como veciñal en man común o monte debe reuni-las seguintes características: 1) Pertenza a agrupacións de veciños na súa calidade de grupos sociais, non como entidades administrativas; 2) Se aproveite consuetudinariamente en réxime de comunidade, sin asinación de cotas polos membros de cada agrupación na súa condición de veciños comuneiros; 3) Que os veciños comuneiros residan habitualmente con "casa aberta" dentro da área xeográfica sobre a que se asenta o grupo social que tradicionalmente aproveitou o monte (arts. 1, 2 e 3 da Lei 13/89 e 1, 2 e 3 do Regulamento de 4 de setembro de 1992).

4º. Das actuacións obrantes no expediente, e en especial da comprobación do que se expresa no punto anterior, dedúcese que no presente caso nos encontramos cun monte pertencente á Comunidade Veciñal dos lugares de Xián, Furiño, Gándara e Reveiratorta, parroquia de Arcos, no que se cumpren os aludidos requisitos.

Por iso, éste Xurado, á vista dos antecedentes e Fundamentos de Dereito expostos, nésta data,

ACORDA calificar como Monte Veciñal en Man Común da Comunidade Veciñal dos lugares de Xián, Furiño, Gándara e Reveiratorta, parroquia de Arcos, concello de Mazaricos, o denominado Monte "Xián, Furiño, Gándara e Reveiratorta", cos lindeiros, superficie e características que figuran no primeiro antecedente. Asimesmo, acórdase excluí-lo declarado do Inventario de Bens do Concello e do Catálogo dos de Utilidade Pública, se neles estivera inscrito, incluíndolo no Rexistro de Montes Veciñais en Man Común que figura na Delegación de Agricultura, Gandería e Montes da Coruña".

Contra a presente Resolución poderase interpoñer Recurso Contencioso-Administrativo no prazo de DOUS MESES perante o Tribunal Superior de Xustiza de Galicia, contados a partir do momento de recepción da presente, segundo a ata agora vixente Lei de Procedemento Administrativo.

A Coruña, 20 de xuño de 1997

Vº e Pr.
O PRESIDENTE DO XURADO,

O SECRETARIO DO XURADO,

Asdo. Rogelio Aramburu Núñez

Asdo. Manuel Puente Araújo




"PEDREGAL Y RUÑA"

Nº 103-H DEL CATALOGO DE U.P.

PARROQUIA DE SANTIAGO DE ARCOS

AYUNTAMIENTO DE MAZARICOS

ESCALA 1:10.000



CABIDA	TOTAL	640,22Has.
--------	-------	------------

CABIDA ENCLAVADOS 7,16 Has.

SUPERFICIE EXPROP. 28,75 Has.

INCREMENTO POR PERMUTA	0,21 Ha.
------------------------	----------

CABIDA PUBLICA 604,52 Has.

CABIDA PARCELA I	430,12 Has.
CABIDA PARCELA II	79,84 Has.
CABIDA PARCELA III	4,55 Has.
CABIDA PARCELA IV	25,63 Has.
CABIDA PARCELA V	64,17 Has.
TOTAL	604,31 Has.

CABIDA ENCLAVADO A	0,50Has.
CABIDA ENCLAVADO B	2,07Has.
CABIDA ENCLAVADO C	1,25Has.
CABIDA ENCLAVADO E	2,17 Has.
CABIDA ENCLAVADO F	1,17 Has.

TOTAL 7,16 Has.

PERMUTAS

PARCELA SOLICITADA POR MANUELA GESTO MARTINEZ (P.A) = 0,21 Ha.
PARCELA ENTREGADA POR MANUELA GESTO MARTINEZ (P.B) = 0,42 Ha.
INCREMENTO DE LA SUPERFICIE PUBLICA DEL MONTE : 0,21 Ha
Junio de 1997

LA CORUÑA DICIEMBRE DE 1961
EL INGENIERO OPERADOR

Dorace